

# TE PARE TIAIRAA

E FAAITE RA I TE FAATERERAA ARII A IEHOVA



**TE MAIMIRAA  
I TE PARAU MAU**

# TAPURA TUMU PARAU

3 Te maimiraa i te parau mau

6 E parau mau ta te Bibilia e faaite ra

9 Te parau mau no nia  
i te Atua e no nia i te Mesia

12 Te parau mau no nia  
i te Faatereraa arii a te Atua

14 Te parau mau no nia i te a muri a'e

16 E nafea oe e faufaahia 'i  
maoti te parau mau?

TE **PARÉ TIAIRAA**  
E FAAITE RA I TE FAATERERAA ARII A IEHOVA

Anairaa 141, N° 1 2020 TAHITIAN  
Neneiraa o te numera taitahi: 93 281 789  
Na roto 357 REO

TE FAAHANAHANA ra te vea *Te Pare Tiairaa* i te Atua ra o Iehova, te Arii o te ao taatoa. E tamahanahana atoa i te taata na roto i te parau apī oaoa fatata te Faatereraa arii a te Atua i te ra'i i te faaore i te ino atoa e te faairi i te fenua ei para-daiso. E faaitoito atoa te reira ia faatupu i te faaroo ia Iesu Mesia tei pohe ia nehe-nehe tatou e fana'o i te ora mure ore. Te faatere nei oia ei Arii o te Faatereraa arii a te Atua. Mai 1879 mai te piaraahia teie vea e e ere i te papai poritita. O te mana'o o te Bibilia tei haafaufaahia i roto.

*The Watchtower* (ISSN 0043-1087)  
January/February 2020 is published by  
Watchtower Bible and Tract Society of  
New York, Inc.; Harold L. Corkern, President;  
Mark L. Questell, Secretary-Treasurer;  
1000 Red Mills Road, Wallkill, NY 12589-3299.  
© 2019 Watch Tower Bible and Tract Society  
of Pennsylvania. Printed in Japan.

TAHITI (POLYNÉSIE FRANÇAISE):  
Association Les Témoins de Jéhovah  
BP 7715  
98719 Taravao

NOUVELLE-CALÉDONIE:  
Association Les Témoins de Jéhovah  
BP 1741  
98874 Pont des Français

No te ite i te tahi atu mau vahi nohooa,  
a hi'o i nia [www.jw.org/ty/farerei-ia-matou](http://www.jw.org/ty/farerei-ia-matou).



E hinaaro anei oe e ite atu ā  
aore ra te hoē haapiiraa Bibilia  
tamoni ore?

A hi'o i nia  
[www.jw.org/ty](http://www.jw.org/ty)

aore ra a hapono mai  
i ta oe parau aniraa.

E ere teie papai i te mea hoo. E tuhaa te reira no te hoē ohipa haapiiraa Bibilia na te ao atoa nei e turuhia ra e te mau ô horoa noa. No te mau ô horoa noa, a hi'o i nia [donate.jw.org](http://donate.jw.org). Aita ana'e i faahitihia te huriraa Bibilia, no roto mai 'ia te mau irava o te mau Papai Hebera, mai te Genese e tae atu i te Malaki, i *Te Bibilia Mo'a ra* ma te tahi mau faatanoraa i te papai o te tahi mau ta'o, e te mau irava o te mau Papai Heleni, mai te Mataio e tae atu i te Apokalupo, no roto mai 'ia i te *Huriraa o te ao apī o te mau Papai Heleni Kerisetiano*.

# Te maimiraa i te parau mau

---

Mea faufaa roa ia ite i te parau mau, e nehenehe te reira e faaora ia tatou. Ei hi'oraa, a tapao na e nafea te pahonoraa i to muri nei uiraa i ohipa 'i i nia i to tatou oraraa: Nafea te mau ma'i pee e parare ai?

A tausani matahiti i teie nei, aita hoê a'e taa-ta i ite i te pahonoraa i taua uiraa ra. I roto i tera area taime, ua pohe tau mirioni taata no te ma'i pee. Ua itea mai râ i te mau aivanaa te parau mau aore ra te pahonoraa. Ua haapupu ratou e o te mau tiro-tiro aore ra te mau bateria te tumu o e rave rahi ma'i. Maoti taua itearaa, ua nehenehe e rave rahi taata e paruru ia ratou iho aore ra e fana'o i te rapaauraa. Ua ora maoro a'e tau mirioni taata e ua maitai atu â ratou i te pae o te ea.

Te vai ra te tahi atu mau uiraa faufaa roa. No oe, nafea te pahonoraa i teie mau uiraa e tauturu ai ia oe?

O vai te Atua?

O vai o Iesu Mesia?

Eaha te Faatereraa arii a te Atua?

Eaha te tupu a muri a'e?

Ua ite tau mirioni taata i te pahonoraa i taua mau uiraa ra e ua haamaitai ratou i to ratou oraraa. E nehenehe atoa oe e faufaahia maoti te reira.



## E NEHENEHE ANEI OE E ITE I TE PARAU MAU?

E na ô paha oe, ‘E nehenehe anei au e ite i te parau mau no nia i te mau mea atoa?’ E au ra e, e ere i te mea ohie ia ite i te parau mau no nia i te tumu parau e rave rahi. No te aha?

E rave rahi taata o te ore e tiaturi ra i te mau hau faatere, te mau tapihoora aore ra i te mau ravea haaparareraa parau. No ratou, e ere i te mea ohie ia ite e mea papu anei te tahi parau, te faaite noa ra anei te taata i to ratou iho mana’o, te huna ra anei ratou i te tahi mau haamaramaramaraa aore ra te haavare ra anei ratou. I roto i teie nei ao papu ore o te haaparare i te mau parau haavare, mea taa ê to te taata mau mana’o no nia i te mea papu e te mea haavare.

Noa ’tu teie mau fifi, e nehenehe oe e ite i te pahonora a i te mau uiraa faufaa roa ’’e o te oraraa. Nafea ia? Maoti te mau ravea ta oe e faaohipa ra i te mau mahana atoa.

## E MAIMI OE I TE PARAU MAU

I te mau mahana atoa, e imi paha oe i te pahonora a i te tahi mau uiraa. A tapao na i te tupuraa o Jessica. Te parau nei oia: “E ma’i tatiraa aratita to ta ’u tamahine. Mai te peu e amu oia i te tahi noa ’’e maa aratita nainai roa, e nehenehe oia e pohe.” E mea tia ia ite Jessica te vai ra anei maa aratita i roto i te maa ta ’na e hoo mai no te paruru i ta ’na tamahine. Ua na ô oia: “Te ohipa matamua roa ta ’u e rave, e taio vau i tei papaihia i nia i te puohu no te ite mea tano anei te tahi maa no ta ’u tamahine. I muri iho, te rave nei au hau atu â maimiraa ma te ani i te totaiete hamaniraa aita anei te maa i anoihia e te aratita ma te opua ore. Te imi atoa nei au i te tahi atu mau haapapuraa no te ite e nehenehe anei au e tiaturi i taua totaiete ra.”

E ere paha ta oe maimiraa i te parau mau i te mau mahana atoa i te mea faufaa roa, mai te tupuraa o Jessica. Mai ia ’na râ, e nehenehe oe e faaohipa i to muri nei mau ravea no te ite i te pahonora a i ta oe mau uiraa:

A hi’opoa i te mau haamaramaramaraa.

A rave hau atu â maimiraa.

A haapapu e mea mau iho â te mau haamaramaramaraa ta oe i fana’o.

Ma te na reira, e nehenehe oe e ite i te pahonora a mau i te mau uiraa faufaa roa ’’e o te oraraa. Nafea ia?



## TE BUKA OTAHI O TE PARAU MAU

A imi ai i te mau pue parau mau Bibilia, ua faaohipa Jessica hoê â rave i ta 'na i faaohipa a maimi ai oia no nia i te ma'i tatiraa o ta 'na tamahine. Ua parau Jessica e ua ite oia i te mau pue parau mau Bibilia maoti te taio-maite-raa e te mau maimiraa i rave-maite-hia. Mai ia 'na, ua haapii tau mirioni taata eaha ta te Bibilia e parau mai ra no nia i to muri nei mau uiraa:

No te aha tatou e ora 'i?

Eaha te tupu ia pohe tatou?

No te aha tatou e mauui ai?

Eaha ta te Atua e rave no te faaore i te mau mauui atoa?

Eaha te rave no te fana'o i te oraraa utuafare oaoa?

E nehenehe oe e ite i te mau pahonora papu i taua mau uiraa ra e i te tahi atu ma te taio i te Bibilia e ma te rave i te mau maimiraa hau i nia i te [www.jw.org](http://www.jw.org).

Te pahono ra teie vea  
*Te Pare Tiiraa* i to  
muri nei mau uiraa:

O vai te Atua?

O vai o Iesu Mesia?

Eaha te Faatereraa arii  
a te Atua?

Eaha te tupu a muri a'e?

Na mua roa, e hi'opoa ana'e  
no te aha tatou e nehenehe  
ai e tiaturi e parau mau iho  
â ta te Bibilia e faaite ra.





# E parau mau ta te Bibilia e faaite ra

I te roaraa o te tau, ua ite te mau taata no te mau nunaa rau e e parau mau iho â ta te Bibilia e faaite ra. I teie mahana, te pee nei tau mirioni taata i te mau haapiiraa Bibilia. No te tahi atu râ mau taata, mea papu ore te Bibilia e e ere i te mea mau. Eaha to oe mana'o? E nehenehe anei oe e ite i te parau mau i roto i te Bibilia?

## NO TE AHA OE E NEHENEHE AI E TIATURI I TE BIBILIA?

Nafea oe e ite ai mea papu anei te Bibilia? A feruri na i teie hi'oraa: I te roaraa o te tau, ua faaite noa to oe hoa i te parau mau, e nehenehe ia oe e tiaturi ia 'na. Ua faaite noa anei te Bibilia i te parau mau, mai taua hoa ra? A tapao na i te tahi mau hi'oraa.



## Mea haavare ore te mau taata papai Bibilia

Ua faaite noa te mau taata papai Bibilia i te parau mau. Aita hoi ratou i huna i ta ratou iho mau hape. Ei hi'oraa, ua papai te peropheta lona no nia i to 'na iho faaroo-ore-raa i te Atua. (lona 1:1-3) I te hopea o te buka Bibilia ta 'na i papai, ua faaite oia nafea te Atua i faautua 'i ia 'na. Maoti te mau aratairaa a te Atua, ua tauturuhia e ua faaafaro lona i to 'na haerea, aita râ oia i faahiti i te reira i roto i ta 'na buka. (lona 4:1, 4, 10, 11) Mea haavare ore te taatoaraa o te mau taata papai Bibilia. Te faaite mai ra te reira i to ratou anaanatae mau no te parau mau.

## Te parau mau o te tauturu mai

Te horoa ra anei te Bibilia i te a'oraa i te paari i te mau taime atoa? Oia mau. Ei hi'oraa, a tapao na eaha ta te Bibilia e parau ra no nia i te mau auhoaraa aore ra amuimuiraa maitatai: "Te mau mea atoa ia ta outou e hinaaro ia rave te taata no outou, a rave atoa ia no ratou." (Mataio 7:12) "O te parau mārū ra tei faaore i te riri; area te parau faaooo ra, o te riri ia te tupu." (Maseli 15:1) Papu maitai, noa 'tu e ua papaihia te Bibilia mea maoro i teie nei, mea tano noa â te mau pue parau mau Bibilia no teie tau.



## Te parau mau i te pae tuatapaparaa

I te roaraa o te mau matahiti, ua haapapu te mau itearaa i te pae ihipāpā e mea mau te taata, te mau vahi e te mau aamu faahithia i roto i te Bibilia. Ei hi'oraa, a feruri na i nia i teie haapapuraa. Te parau mai ra te Bibilia e “ua hopoi maira to Turia [to Phoinikia no Turia] i parahi i Ierusalem i te i'a, e te mau tao'a ēē atoa” i te tau o Nehemia.—Nehemia 13:16.

Te vai ra anei te haapapuraa e mea mau te mau haamaramaramaraa faahithia i roto i taua irava Bibilia ra? Oia mau. Ua itehia mai i te feia ihipāpā te tahi mau tao'a no Phoinikia i Iseraela. E haapapuraa tera e ua ravehia te tahi tapihoora i rotopu i na nunaa tahito e piti. Hau atu ā, i Ierusalem, ua itehia mai te mau toetoea o te mau i'a no Mediteranea. Ua tiaturi te feia ihipāpā e ua hopoihia taua mau i'a ra no te pae miti atea roa e te feia hoo tao'a. Ua hi'opoa te tahi aivanaa i teie haapapuraa e ua parau oia e mea papu te faahitiraa i roto i te Nehemia 13:16 o te faaite ra e ua hoo atu to Turia i te i'a i Ierusalem.



## Te parau mau i te pae aivanaa

Na mua roa, e buka faaroo te Bibilia e mea tano atoa te reira i te pae tuatapaparaa. I te pae aivanaa atoa, te tuati ra te Bibilia i te ihi mau. Teie te tahi hi'oraa.

Ua faaite te Bibilia e “ua faauta [te Atua] i te fenua i nia i te aore” a 3 500 matahiti i teie nei. (Ioba 26:7) Mea taa ē te reira i te mau aamu tahi-to tei parau e ua tia te fenua i nia i te pape aore ra ua vai noa te fenua i nia i te hoê honu rahi roa. E 1 100 matahiti i muri a'e i te papairaahia te buka Ioba, ua tiaturi noa te mau taata e aita te fenua e nehenehe e vai i nia i te aore. No ratou, e vai noa rā te reira i nia i te hoê mea. Toru noa senekele na mua 'e, i 1687, ua faataa Isaac Newton i roto i ta 'na buka no nia i te puai aratoraa, e te ohu ra te fenua maoti te tahi puai itea ore. Ua haapapu teie maimiraa faufaa i te pae aivanaa, i ta te Bibilia i faaite na hau atu i te 3 000 matahiti na mua 'e!



## Mea mau te parau tohu

Mea papu anei te parau tohu Bibilia e rave rahi? Ei hi'oraa, a feruri na i nia i te parau tohu a Isaia no nia i te haamouraa o Babulonia.

**Te parau tohu:** I te senekele va'u hou te Mesia, hou Babulonia a riro ai ei oire pu o te hoê hau emepera puai roa, ua parau te taata papai Bibilia o Isaia e e haruhia te oire o Babulonia e e ore e taata-faahou-hia. (Isaia 13:17-20) Ua faaite roa 'tu Isaia o vai te taata e rave i taua mau ohipa ra: o Kuro. Ua faatia atoa oia i te ravea ta Kuro e faaohipa, oia hoi e "tamārô" oia i te anavai. Ua tohu atoa Isaia e vai matara noa te mau uputa o te oire.—Isaia 44:27–45:1.

**Te faatupuraa:** E 200 matahiti i muri a'e i te papairaahia te parau tohu a Isaia, ua haru te hoê arii Peresia ia Babulonia. O vai to 'na i'oa? O Kuro. I te mea e e ere i te mea ohie ia tomo i roto

i te oire, ua faaoti Kuro e faaohipa i te anavai Eupharate tei tahe na roto e i rapaeau i te oire. I uta 'tu i te anavai, ua heru ta 'na nuu i te tahi taheraa pape no te faatioi i te reira i te hoê vahi vari. Maoti te reira, ua topa te faito o te pape o te anavai e ua nehenehe ia te nuu a Kuro e haere na roto i te anavai tei tahe i pihai iho i te mau uputa o te oire. Ma te maere mau, ua vai matara noa te mau uputa i te pae o te anavai! Ua tomo te nuu a Kuro i roto i te oire maoti taua mau uputa ra e ua haru ratou ia Babulonia.

Ua vai noa râ hoê uiraa: Ua riro anei Babulonia ei oire aore e taata-faahou-hia? Ua ora te mau taata i roto i tera oire tau senekele i te maoro. I teie mahana, e vahi paparari noa o Babulonia, e itehia tera vahi i pihai iho ia Bagdad, i Irakia. E haapapuraa teie e ua tupu te parau tohu i roto i te mau tuhaa atoa. E nehenehe te Bibilia e tiaturihia, oia atoa i te taime a faahitihia 'i te mau ohipa e tupu a muri a'e.

### E TUMU PAPU O TE PARAU MAU

Maoti te hi'oraa e rave rahi, te ite ra te taata e e nehenehe te Bibilia e tiaturihia e te hi'o atoa ra ratou i te Bibilia "mai te parau iho â râ a te Atua."—Tesalonia 1, 2:13.

Eaha te mau pue parau mau papaihia i roto i te Bibilia? E nafea oe e faufaahia 'i? E hi'o-poahia i roto i teie vea te tahi mau pue parau mau Bibilia faufaa roa. E haamata tatou ma te paraparau no nia i ta te Bibilia e faaite ra no nia i te Fatu o te Bibilia, oia hoi te Atua.



---

# Te parau mau no nia i te Atua e no nia i te Mesia

Noa 'tu e te haamori ra te mau taata e rave rahi atua, hoê noa Atua mau. (Ioane 17:3) O o 'na Tei hau a'e, e o 'na te Atua poiete e te Tumu o te ora. O o 'na ana'e te tia ia haamorihia. —Daniela 7:18; Apokalupo 4:11.

## O vai te Atua?

**O vai te i'oa o te Atua?** Ua parau te Atua iho: “O vau o Iehova, o to 'u ia i'oa.” (Isaia 42:8) Ua faahitihia te i'oa o te Atua hau atu i te 7 000 taime i roto i te Bibilia. Ma te tano ore râ, ua mono e rave rahi huriraa Bibilia i te reira ma te faahipa i te tiaraa i'oa “Fatu.” Te hinaaro ra te Atua ia riro oe ei hoa no 'na, no reira oia e faaitoito ai ia oe ia “tiaoro i to 'na i'oa.”—Salamo 105:1.

**Te mau tiaraa i'oa o Iehova.** Te faahiti ra te Bibilia ia Iehova ma te faahipa i te mau tiaraa i'oa mai “te Atua,” “te Mana hope,” “te Atua poiete,” “te Fatu” e “te Arii hau ê.” I roto i te Bibilia, te faahiti nei e rave rahi pure i te tiaraa i'oa tura e te i'oa mau o te Atua. —Daniela 9:4.



---

**Te huru o te Atua.** E Varua te Atua. (Ioane 4: 24) Te haapapu ra te Bibilia e “aore roa e taa-ta i ite i te Atua.” (Ioane 1:18) Te faaite atoa ra te Bibilia i te mau huru aau o te Atua. E nehenehe te mau taata e faaoto aore ra e faa-oaoa ia 'na.—Maseli 27:11; Salamo 78:40, 41.

**To te Atua mau huru maitatai faahiahia roa.** Mea maitiiti ore te Atua i te taata noa 'tu to ratou nunaa aore ra huru tupuraa. (Ohipa 10:34, 35) E “Atua aroha noa, e te hamani maitai rahi, e te faaoromai rahi, e te maitai rahi, e te parau mau.” (Exodo 34:6, 7) E maha râ huru maitatai o te Atua te mea faahiahia roa.

**Te puai.** I te mea e o o 'na “te Atua mana hope,” e puai faito ore to 'na no te faatupu i te mau mea atoa ta 'na i fafau.—Genese 17:1.

**Te paari.** Mea hau ê te paari o te Atua i to te taata. No reira te Bibilia i faahiti ai e “Atua paari hoê roa” oia.—Roma 16:27.

**Te parau-tia.** Te rave noa ra te Atua i te mea tia. Mea “tia roa” ta 'na mau ohipa e “te ino ore.”—Deuteronomi 32:4.

**Te here.** Te parau ra te Bibilia e “e here te Atua.” (Ioane 1, 4:8) Aita te Atua e faaite noa i te here, e here oia. Na to 'na here hau ê e turai ai ia 'na ia rave i ta 'na mau ohipa atoa e e faufaahia tatou maoti te reira.

**Te auhoaraa i rotopu i te Atua e te mau taata.** O to tatou Metua i i te here i te ra'i, te Atua. (Mataio 6:9) Ia tiaturi tatou i te Atua, e nehenehe tatou e riro ei hoa no 'na. (Salamo 25:14) Te titau manihini ra te Atua ia oe ia faafatata 'tu ia 'na na roto i te pure e ia 'huri i to oe mau ahoaho atoa i nia ia 'na, no te mea te tâu'a mai ra oia ia oe.—Petero 1, 5:7; Iakobo 4:8.

---

## Eaha te taa-ê-raa i rotopu i te Atua e te Mesia?

**Eere o Iesu te Atua.** Mea otahi o Iesu. O o 'na ana'e ta te Atua iho i poiete. No reira te Bibilia e pii ai ia 'na, te Tamaiti a te Atua. (Ioane 1:14) Ua poiete te Atua ia Iesu e ua faaohipa ia 'na, teie Tamaiti matahiapo, mai te hoê Rave ohipa aravihi no te poiete i te mau mea atoa e te mau taata atoa.—Maseli 8:30, 31; Kolosa 1:15, 16.



**Aita roa 'tu Iesu Mesia i parau e o o 'na te Atua.** Ua faataa râ oia: “E tia vau no [te Atua], e na 'na i tono mai ia 'u.” (Ioane 7: 29) A tauaparau ai oia e te hoê o ta 'na mau pipi, ua parau Iesu no Iehova, 'to 'u Metua e to outou Metua' e “to 'u Atua e to outou Atua.” (Ioane 20:17) I muri a'e i te pohe o Iesu, ua faaho'i Iehova ia 'na i te ora i nia i te ra'i e ua horoa 'tu te mana rahi i to 'Na rima atau.—Mataio 28:18; Ohipa 2:32, 33.

**E nehenehe Iesu Mesia e tauturu ia oe ia faafatata 'tu i te Atua**

**Ua haere mai Iesu i nia i te fenua no te haapii ia tatou no nia i to 'na Metua.** Ua parau Iehova no nia ia Iesu: “O ta 'u Tamaiti teie, tei herehia. A faaroo ia 'na.” (Mareko 9:7) O Iesu te ite maitai roa 'e o vai te Atua. Ua na ô oia: “O te Tamaiti ana'e tei ite o vai te Metua e te taata atoa ta te Tamaiti e hinaaro e faaite atu o vai te Metua.”—Luka 10:22.

**Te faaite ra Iesu i te mau huru maitatai o te Atua ma te tia roa.** Ua pee maite roa Iesu i te mau huru maitatai o to 'na Metua, no reira oia i parau ai: “O tei ite mai ia 'u, ua ite atoa ia i te Metua.” (Ioane 14:9) Ua aratai Iesu i te taata i te Atua ma te pee i te here o to 'na Metua na roto i ta 'na mau parau e ohipa. Ua na ô oia: “O vau te e'a e te parau mau e te ora. Aore roa e taata e tae i te Metua ra, na roto noa râ ia 'u.” (Ioane 14:6) Ua parau atoa Iesu: “E haamori ai te feia haamori mau i te Metua ma te varua mo'a e te parau mau, inaha te imi nei te Metua i te taata mai te reira no te haamori ia 'na.” (Ioane 4:23) A feruri na! Te imi nei Iehova i te taata mai ia oe o te hinaaro e ite i te parau mau no nia ia 'na.



---

# Te parau mau no nia i te Faatereraa arii a te Atua

Ua haapii Iesu i ta 'na mau pīpī ia pure, ua na ô oia: “To matou Metua i te ra’i, ia mo’a to oe i’oa. Ia tae mai ta oe Faatereraa arii. Ia tupu to oe hinaaro i te fenua nei, mai i te ra’i atoa na.” (Mataio 6:9, 10) Eaha te Faatereraa arii a te Atua? Eaha te mau ohipa ravehia? E no te aha e titauhia ’i ia pure tatou no te reira?

---

## O Iesu te Arii o te Faatereraa arii a te Atua.

Luka 1:31-33: “E fanau oe i te hoê tamaiti ta oe e topa i te i’oa o Iesu. E riro oia ei taata faufaa e e parauhia oia Tamaiti a te Teitei, e e horoa te Atua ra o Iehova i te terono o Davida to ’na metua no ’na, e faatere oia ei Arii i nia i te utuafare o Iakoba e a muri noa ’tu e ore roa ta ’na Faatereraa arii e mou.”

## O te Faatereraa arii te tumu parau faufaa roa ’e o ta Iesu pororaa.

Mataio 9:35: “Haere atura Iesu na roto i te mau oire rahi e oire rii, i te haapiiraa i roto i te mau sunago, te pororaa i te parau apī oaoa o te Faatereraa arii e te faoraraa i te mau huru ma’i atoa.”

## Ua horoa Iesu i te hoê tapao i ta ’na mau pīpī, ia nehenehe ratou e ite afea te Faatereraa arii e tae mai ai.

Mataio 24:7: “E aro hoi te tahi nunaa i te tahi atu nunaa e te tahi faatereraa i te tahi atu faatereraa, e e tupu te o’e e te aueueraa fenua i tera e tera vahi.”

## Te poro ra te mau pīpī a Iesu no nia i te Faatereraa arii e ati a’e te fenua.

Mataio 24:14: “E e porohia te parau apī oaoa o te Faatereraa arii e ati a’e te fenua ia ite te mau nunaa atoa, i reira ia te hopea e tae mai ai.”



## Te mau haamaramaramaraa no nia i te Faatereraa arii a te Atua

**Te vahi.** E mea mau te Faatereraa arii a te Atua. Ua haamau te Atua i te reira i nia i te ra’i.—DANIELA 2:44; MATAIO 4:17.

**Te fa.** E faaairo te Faatereraa arii a te Atua i te fenua ei paradaiso i reira te huitaata e ora ’i i roto i te hau e te oaoa e eita roa ’tu ratou e ma’i-faahou-hia e e pohe.  
—SALAMO 37:11, 29.

**Te mau tia faatere.** Ua faatoroa lehova ia Iesu ei Arii no te faatere i nia i te ra’i e na 144 000 arii apiti tei hoochia mai te fenua mai.—LUKA 1:30-33; 12:32; APOKALUPO 14:1, 3.

**Te huiraatira.** E ora te huiraatira o te Faatereraa arii i nia i te fenua e e pee ratou ma te aau tae i te faatereraa a Iesu e e auraro atoa ratou i te mau ture aveia a te Faatereraa arii.  
—MATAIO 7:21.

## No te aha o Iesu te aravihi roa ’e no te faatere i te huitaata?

I nia i te fenua, ua haapapu Iesu e e nehe-nehe iho â oia e faatere i te huitaata ma te here no te mea

Ua tâu’a oia i te feia veve.  
—LUKA 14:13, 14.

Mea riri na ’na te ohipa taviri e te ohipa tia ore.—MATAIO 21:12, 13.

Ua haavî oia i te mau puai o te natura.—MAREKO 4:39.

Ua faatamaa oia tau tausani taata.—MATAIO 14:19-21.

Ua faaite oia i te aumaiui i te feia ma’i e ua faaora i te feia atoa tei maiui.—MATAIO 8:16.

Ua faatia mai i te feia pohe.  
—IOANE 11:43, 44.

## Nafea oe e faufaahia ’i maoti te Faatereraa arii a te Atua i teie nei â?

E nehenehe oe e oaoa atu â i teie nei â, ia riro oe ei mero huiraatira o te Faatereraa arii a te Atua. Ei hi’oraa, ia riro oe ei mero huiraatira o te Faatereraa arii

E “tapi [oe] i te parahi hau noa e te taata atoa.”—HEBERA 12:14.

E fana’o oe i te hau e te auhoêraa i roto i te utuafare no te mea te here ra te mau hoa faaipoipo e te faatura ra te tahi i te tahi.  
—EPHESIA 5:22, 23, 33.

E oaoa oe i roto i to oe oraraa no te mea ‘e hiaai ra oe i te mau mea pae varua.’—MATAIO 5:3.

---

# Te parau mau no nia i te a muri a'e

---

Ua feruri a'ena anei oe eaha te tupu a muri a'e? Te faaite ra te Bibilia e fatata roa te mau ohipa faufaa roa i te tupu e te mau faahopearaa ta te reira e faatupu i nia i te huitaata na te ao nei.

Ua faataa Iesu nafea tatou e ite e 'ua fata- ta te Faatereraa arii a te Atua.' (Luka 21:31) Ua tohu oia e e tupu te mau ohipa mai te ta- ma'i rahi, te mau aueueraa fenua rahi, te o'e e te ma'i pee. Te ite nei hoi tatou i taua mau ohipa ra i teie nei.—Luka 21:10-17.

Te faaite atoa ra te Bibilia e i "te mau ma- hana hopea" o te faatereraa a te taata, e haa te feia ma te ino mau. E faataahia te reira i roto i te Timoteo 2, 3:1-5. A ite ai oe i taua mau haerea e ohipa ra i teie mahana, e papu ia oe e e tuati teie parau tohu Bibilia i te ohi- pa e tupu ra i teie nei.

Eaha ia te auraa? Fatata roa te Faatereraa arii a te Atua i te rave i te mau tauraa rahi no te haamaitai roa i te oraraa i nia i te fenua. (Luka 21:36) I roto i te Bibilia, te fafau ra te Atua e e faatupu oia i te mau ohipa maitai no te fenua e no te feia e ora 'tu. Teie te tahi mau hi'oraa.


---

## TE HOÊ FAATERERAA MAITAI

"E ua horoahia maira [ia Iesu] te mana, e te hinuhinu, e te basileia no 'na, ia auraro mai te taata atoa, e te mau fenua atoa, e te reo atoa ia 'na; to 'na mana, e mana mure ore ia, e ore ia e mou, e to 'na basileia, e ore ia e pau."

—DANIELA 7:14.

**Eaha te auraa?** Ua haamau te Atua i te hoê basileia aore ra faatereraa arii hau a'e i te tei- tei o te faatere i te fenua atoa. O ta 'na Tamaiti te Arii. E nehenehe oe e ora ma te oaoa i raro a'e i taua faatereraa arii ra.






## TE HOË EA MAITAI

“E ore hoi to reira e parau e, Ua paruparu vau i te ma’i.”—ISAIA 33:24.

**Eaha te auraa?** Eita roa ’tu oe e ma’ihia aore ra e tino paruparu to oe. E ora râ oe e a muri noa ’tu.



## TE HAU NA TE AO NEI

“Ua faaore oia i te tama’i e tae roa a’enei i te hopea fenua!”—SALAMO 46:9.

**Eaha te auraa?** Eita faahou e itehia te tama’i e te mauui ta te reira e faatupu.



## E Î TE FENUA I TE FEIA MAITAI

“No parahirahi a’e te paieti ore, e aita ra . . . Area te feia mārû ra, e parahi’ia i te fenua.”—SALAMO 37:10, 11.

**Eaha te auraa?** Eita faahou e taata ino, o te feia ana’e râ e hinaaro e auraro i te Atua.

## E RIRO TE FENUA ATOA EI PARADAISO

“E patu ratou i te fare, e na ratou iho e parahi; e na ratou e tanu i te ô vine, a amu ai i te maa i reira.”—ISAIA 65:21, 22.

**Eaha te auraa?** E riro te fenua atoa ei ô nehe-nehe roa. E faatupu te Atua i ta tatou pure, oia hoi ia tupu to ’na hinaaro “i te fenua nei.”—Mataio 6:10.



# E NAFEA OE E FAUFAAHIA 'I MAOTI TE PARAU MAU?


Te horoa mai ra te Atua, o te ore roa e haavare, i te tiaturiraa o te “ora mure ore.”—Ioane 3:16.

## EAHA TE TIA IA OE IA RAVE?

- A haapii i ta te Parau a te Atua e faaite mai ra. E parau mau hoi te reira. —Ioane 17:3, 17.
- A faaoti i te auraro i te Atua. —Deuteronomi 30:19, 20.
- A faaohipa i te mau aratairaa a te Atua i roto i to oe oraraa. E tauturu te reira ia oe.—Iakobo 1:25.

Na te ao nei, te oaoa ra te mau lte no lehova i te iteraa i te parau mau no roto mai i te Bibilia. E oaoa atoa ratou i te faaite ia oe i ta ratou i haapii mai.

No te ite atu â no nia i te pue parau mau Bibilia, a hi'o i te buka rairai *la ora oe e a muri noa 'tu!* piahia e te mau lte no lehova e itehia i nia i te reni natirara [www.jw.org/ty](http://www.jw.org/ty).



**A HAPONO MAI NA HOË BUKA RAIRAI  
*la ora oe e a muri noa 'tu!***

No te ite e nafea ia fana'o i te hoë oraraa maitai a'e, a farii i te hoë haapiiraa Bibilia i nia i teie buka rairai, piahia e te mau lte no lehova e itehia i nia i te reni [www.jw.org/ty](http://www.jw.org/ty)

REO \_\_\_\_\_

I'OA \_\_\_\_\_

VAHI NOHORAA \_\_\_\_\_

A hi'o i te api 2 no te papai mai. Ma te faai e ma te hapono i teie parau aniraa, te faatia ra vau i te mau lte no lehova ia faaohipa i te mau haamaramaramaraa no nia ia 'u, ia au i te faaturerara o te mau haamaramaramaraa no nia i te taata i nia i te [jw.org](http://www.jw.org).



Mea tamoni ore  
ia rave mai  
i teie vea e tei  
matara ê na



Bibilia i nia i te  
reni natirara  
na roto tau  
hanere reo

A hi'o na i nia i te  
reni natirara [jw.org](http://www.jw.org)  
aore ra a faaohipa  
i teie hoho'a

